



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

66. Parthenivs cùm clarè videat, matrimonium sibi melius esse, quàm abstinentiam ab isto, hinc probabiliter editu[m] ab ipso castitatis votum est invalidum.

urn:nbn:de:hbz:466:1-40942

ipso liber est à lege abstinendi ab altera co-
mestione per vnum diem.

Resp. Parmenam dispensatum in esu car-
nium licet hisce vesci bis vno die. Ita Caiet.
22. Q. 147. art. 8. Nauarr. Tolet. Azor. Filli-
uc. Suar. Tom. 3. in 3. part. D. 70 f 2. & alij.
Ratio est, quia essentia iejunij consistit maxi-
mè in abstinentia à carnibus: Hâc ergo dem-
ptâ, sicuti nō manet essentia iejunij, sic neque
obligatio ad iejunandum, & seruandum alia
requisita.

Ad primum in contrarium negamus conse-
quentiā, quia vna pars præcipitur dependen-
ter ab alia. Ad secundum negamus itidem
conseq. ob disparitatem inter binam come-
stionem, & esum carnium, quod iste plus re-
quiratur: illa verò minus, & accessorium
quid sit iejunio; iuxta regulam autem Iuris in
6. Cui licet, quod est plus, licebit, quod est minus:
at non, cui licet, quod est minus, bina scilicet
comestio, licitum esse debet, quod est plus, scilicet
comestio carnium.

LXVI. Parthenius Adolescens vehementer
libidinosis vexatur temptationibus, & frequenter
ijs succumbit; & quanevis inde advertat, statim
coniugalem multò utiliorem sibi futurum, quam
cœlibem, facit ramen votum Castitatis, idque gra-
viter violat, vt illud iam vellet, non esse factum.
Quæritur. Vtrum hoc votum reverà sit validum?

Videtur votum istud validum esse, cùm
omni-

omnibus requisitis constet, ut plerique sentire videntur, quos refert, & sequitur Sanchez
L. 4. c. 8. n. 9.

Resp. Etsi allata sententia communior & probabilior sit, nihilominus probabile esse, illud ipsum votum esse invalidum. Ita Trulenchius, Ledesma, Martinus de S. Iosepho, Leander apud Dian P. 10. Tr. 11. Resol. 47. Homobonus. Volum. 1. p. 2. resp. 28. Bonac. Tom. 2. D. 4. q. 2. pun. 1. n. 26. & nonnulli alij. Ratio est, quia hoc votum omnibus consideratis non est de meliori bono; quippe melius & salubrius est voventi matrimonium, quam abstinentia à matrimonio.

Vnde ruit fundamentum contrariæ sententiae. Volunt tamen cit. AA. illud dispensatione Papæ indigere. Sed si nullum est, quomodo indiget dispensatione? ad varia, inquit Bonacina, incommoda & fraudes cavidas. Aio, inde solùm convinci, quam cautissimè confessarium procedere oportere in declarandâ nullitate talis voti, ne, dum vnum iuvare vult, plures in pernitiem trahat.

LXVII. Patricius sclopero ruri obambulans videt supra culmen alicuius villæ volucrem sedentem, quam iaculaturus aberrat, & ipsam villam globo petit, incenditque, ut brevi tota conflagret. Quæritur. Virum teneatur ad restitutionem?

Videtur teneri ad restitutionem, idque sub mortali, si culpa Theologica vel mortalis, vel venia-